

Te ovel pe bankakoro mušterija

Kaj te šaj te ovel pe mušterija ki jek švedikani banka, tegani tu mora te legitimirine tut hem te odgovorine ko pučiba soske trebela tuke jek bankakoro konto. Keda ka ove ki jek banka ka phenel pe tuke savi informacija trebela e bankake tutar.



Identifiribe

Tu mora uvek te identifirine tut.

1. Tu šaj te identifirine tut jekhe švedikane identifiribaskere dokumenteja kova so važinela, sar soj jek pasoši, lično karta ja pale Bankakiri ID. Tu šaj te identifirine tut hem jekhe švedikane vozačko dozvolaja.
2. Te nane tut švedikane identifiribaskere dokumentija, tegani šaj identifirineja tut avrune phuvjengere pasošeja ja pale javere dokumenteja kori so isi slika, a othe trebela te terdžol hem tlo državljanstvo. Odova trebela te ovel dindo taro jek vlasti ja pale jek javer ovlastimo organi. Trebela te džane kaj i banka šaj te rodel te sikave hem javer dokumentija.
3. Te nane tut identifiribaskere dokumentija so važinena tegani ka le tuja javera lila taro jek nezavisno hem poverljivo organi so sikavena koj sian hem tlo državljanstvo.

Avrune phuvjengere studentija

Te sian studenti tari jek avruni phuv tegani trebela te identifirine tut sar so terdžola upre. Plus odova tuke ka trebel:

- Ačhojbaskere ljila ja pale viza (akava na važinela e EU-akere državljanenge).
- Ljil kaj sian andrelindo ko univerziteti kori so ka terdžol kobor vreme ka ovel o školujbe.

Potreba taro bankakoro konto

Tu mora te haljovkere soske trebela tut jek bankakoro konto hem sar ka koristine ole.

Odova šaj te ovel bašo čhijbe tli plata ja pale javer pokinibe, te pokine i kirija ja pale te šparine.

I banka šaj hem te čhivel tuke javera pučiba kaj te šaj te ovel ola buteder džanibe baši tute sar mušterija.

Pravo bašo bankakoro konto ...

O šajipa bašo pristup ko jek bankakoro konto so ovela doldo tari državno uložibaskiri garancija hem taro fundamentalno platibaskoro servzi, ko principi terdžola phravdo sa e manušenge. Odova važinela bizo razlika savo državljanstvo isi tut hem bizi razlika dali isi tut švedikano personalno broj.

...ama ko disave situacije i banka mora te phenel kaj našti te phrave konto

O banke na tromana te phraven konto te:

- i banka te našti te identifirinel tut ko jek dovolno sigurno čhani
- dikhela i banka kaj i informacija so mukhljan hem soske mangeja te phrave konto nane dovolno
- phravindor tuke jek konto i banka te phaglja disavo regulari ko zakoni ja pale javer regulari.

I banka šaj te na phravel tuke konto te sian sine mušterija angleder hem te hovavdžan e banka.

Ma bistre...

- Tu mora te te haljove e bankakere pučiba hem te odgovorine ko odova.
- Tu mora hem te haljove i informacija so dela pe tuke tari banka.
- Te trebindža tuke džiko te prevedinel tuke, tegani ka le tuja jekhe asavke manuše ko sastanko e bankaja.
- I banka ka pučel tut kotar avena tle love.
- Tlo konto hem o javera bankakere servzija našti te koristinen pe javerestar bizo te ovel jek asavko dogovor ki banka.
- I banka šaj ka čhivel tuke javera pučiba ja pale te rodel tutar javera buča.

Buteder informacija

Baši buteder informacija dža ki respektivno banka.

Informacija isi hem ko:

Švedijakoro parlamenti (Sveriges riksdag):

Kanuni (2017:630) bašo merke premal thojbelove hem teroristipaskoro financiribe.

Čitin (drabar) buteder ko www.riksdagen.se

Financiribaskiri inspekcija (Finansinspektionen):

E Financiribaskere inspekcijakere regularija bašo merke protiv thojbelove hem teroristipaskoro financiribe.

Čitin buteder ko www.fi.se



Svenska **Bankföreningen**
Swedish Bankers' Association

www.swedishbankers.se

**Švedikane bankengoro
khedibe (Svenska
Bankföreningen):**

Informacija bašo bankengere
merke premal o thojbelove hem
terroristipaskoro financiribe.
Čitin buteder ko
www.swedishbankers.se

**Financiribaskiri
administracija (Riksgälden)**

Informacija bašo andrečhijbaskiri
garancija čitin buteder ko
www.riksdagen.se



Svenska **Bankföreningen**
Swedish Bankers' Association

www.swedishbankers.se